

Na osnovu člana 27. stav (5) Zakona o korištenju obnovljivih izvora energije i efikasne kogeneracije („Službene novine Federacije BiH“, broj: 82/23), člana 7. stav (1) Uredbe o podsticanju proizvodnje električne energije iz obnovljivih izvora energije i efikasne kogeneracije i određivanju naknada za podsticanje („Službene novine Federacije BiH“, broj: 95/24), na prijedlog Federalnog ministarstva energije, rudarstva i industrije, Vlada Federacije Bosne i Hercegovine na 271. hitnoj sjednici, održanoj 30.12.2025. godine, donosi

**ODLUKU
O UTVRĐIVANJU POTREBNOG IZNOSA NAKNADE ZA PODSTICANJE I
JEDINIČNOG IZNOSA NAKNADE ZA PODSTICANJE PROIZVODNJE ELEKTRIČNE
ENERGIJE IZ OIEIEK ZA 2026. GODINU**

I.

Ovom odlukom utvrđuju se ukupni iznos sredstava, odnosno potrebni iznos naknade za podsticanje proizvodnje iz obnovljivih izvora energije i efikasne kogeneracije u 2026. godini (NP₂₀₂₆) i jedinični iznos naknade za podsticanje proizvodnje električne energije iz OIEIEK (JN₂₀₂₆) za 2026. godinu.

II.

(1) Ukupni iznos sredstava, odnosno potrebni iznos naknade za podsticanje proizvodnje iz obnovljivih izvora energije i efikasne kogeneracije u 2026. godini (NP₂₀₂₆) utvrđuje se u visini od 24.540.511,61 KM.

(2) Jedinični iznos naknade za podsticanje proizvodnje električne energije iz obnovljivih izvora energije i efikasne kogeneracije (JN₂₀₂₆) za 2026. godinu utvrđuje se u visini od 0,003524 KM/kWh, bez obračunatog poreza na dodatnu vrijednost (PDV).

III.

Naknadu za podsticanje proizvodnje iz obnovljivih izvora energije i efikasne kogeneracije (N_{kk}), koja predstavlja proizvod jedinične naknade (JN) i ukupno obračunate potrošnje aktivne električne energije (E_{kk}) u kWh, plaćaju svi krajnji kupci električne energije u Federaciji Bosne i Hercegovine i ista se iskazuje kao posebna stavka na računu za električnu energiju.

IV.

Snabdjevač krajnjeg kupca će, u računu koji se dostavlja krajnjem kupcu po osnovu isporučene i prodane električne energije, kao posebnu stavku naznačiti jedinični iznos i iznos ukupne naknade za podsticanje.

V.

Sredstva prikupljena po osnovu naknade za podsticanje su prihod Operatora za OIEiEK kojima Operator za OIEiEK raspolaže i koristi ih za:

- 1) isplatu sredstava u skladu sa članom 66. stav (1) Zakona,
- 2) isplatu sredstava određenu na osnovu razlike između cijene određene u FIT aukciji, koja je navedena u ugovoru o otkupu i zamjenske tržišne cijene privilegovanim proizvođačima,
- 3) isplatu premije privilegovanim proizvođačima,
- 4) finansiranje troškova rada Operatora za OIEiEK,
- 5) finansiranje provedbe Programa za jednokratno sufinansiranje izgradnje postrojenja prosumera iz kategorije domaćinstva u visini od 4.000.000 KM.

VI.

(1) Za fakturisanje i naplatu naknada za podsticanje od krajnjih kupaca električne energije iz Federacije Bosne i Hercegovine zadužuju se:

- 1) javni snabdjevač, za kupce koji su u sistemu javnog snabdijevanja,
- 2) rezervni snabdjevač koji je preuzeo snabdijevanje onih kvalifikovanih kupaca koje je njihov odabrani snabdjevač prestao da snabdijeva,
- 3) odabrani snabdjevač za kupce koji su odabrali svog snabdjevača i imaju zaključen ugovor o snabdijevanju, a nisu u sistemu javnog snabdijevanja.

(2) Subjekti iz stava (1) ove tačke su obavezni na račun Operatora za OIEiEK doznačiti prikupljena sredstva od naknade za podsticaj, najkasnije do 25. u mjesecu za prethodni mjesec.

VII.

Ova odluka stupa na snagu danom donošenja i objavit će se u „Službenim novinama Federacije BiH“.

V. broj: 1935/2025
30.12.2025. godine
Sarajevo



PREMIJER

Nermin Nikšić